

地 139, 125

72.81

124

增修縣志

李澤遠題


貳



壬午清和月

增修新學錄

李澤遠題



鷄澤縣志序

邑之有志猶國之有史也大而禮樂刑政山川疆域細而物產災祥以及人文之盛衰政治之良窳皆將於此乎見蓋一邑之事同於一國之事特具體而微耳昔人稱作史必具才學識三長否則不能入著作之林而爲一代之信史縣志之作亦何莫不然故一言修志固非率爾操觚者所能辦也雖然志書久而不修則往蹟就堙後世雖欲訪而識之輒無可考而才學識并備之人又或間世而一出無已則又不得不從權而隨時修輯俾存其蹟以待將來有才學識者以彙其成較聽其湮沒而置之則爲愈矣鷄澤河北之僻邑也春秋時晉悼公嘗會諸侯於此其名頗著於六經至唐始置縣歷代因之以迄於今而地僻民簡文化不興官斯土者概皆視如傳舍而不加之意其縣志之失修也蓋已久矣今其知事李澤遠不以地方褊小而忽之採訪纂輯欲以存一邑之文獻無論其書之能爲一邑之信史與否而近數十年之事蹟皆得筆之於書不使卽於湮沒則其有功於鷄邑也亦豈淺鮮哉茲以李知事來丐序於余書以識諸簡端俾後之有才學識者以此作爲藍本足矣

中華民國三十一年歲次壬午仲夏河北省長吳贊周序

鷄澤縣志序

蓋聞縣之有志猶國之有史家之有譜也用以繼往開來經緯人物而發明信史胥於志乎是賴查鷄澤左襟沙河右帶滏陽形勢衝要甲於冀南惟歷代以來土壤之變遷官制之興廢以及風土潮流之所趨迴環靡已迄丁丑七七蘆溝變起萑苻遍野伺機圖逞秩序既屬紊亂縣志遂形蕩然而悠久之文獻因之散佚中輟焉庚辰七月余奉命承乏冀南經友邦之支援各縣之努力地方治安逐漸敉平於是安定秩序拯民於水火之中剷除寇亂登民於衽席之上年餘於茲氣象煥然所有庶政之推行亦均獲相當展進惟是縣志一書尙付闕如而文獻之散佚殊爲可惜於是飭縣纂修設局整理以維史乘旋經李知事數月之努力刻苦經營始克蒞事於是鷄澤之縣志遂成完帙焉爰誌數言聊以爲序

中華民國三十一年五月上浣冀南道尹慶陽薛興甫識

增修鷄澤縣志序

夫載治亂知興衰固賴國之有史而懲前毖後尤賴邑之有志彼縣志一書係一郡之文獻風俗人情之所寄典章人物之所考斷不可一日無也今屢奉道憲之徵集縣志是以派員赴鄉四處徵索藉圖報命但因事變邑遭兵燹所有縣志迭經焚燬幾於無存然

上峯文電頻催急待考核責以逋慢不容稍緩故不辭勞瘁加緊訪尋現雖徵獲舊志奈其殘蝕已久篇頁斷爛實難廢續修輯祇得設局整理補其罅漏修其殘缺增纂而新之以成一縣之志經數閱月始克告竣付梓鉛印成帙以供

列憲之參攷而存本縣之文獻至於近代事蹟雖苦心經營稍爲補輯而對於修廢舉墜社會進化不無小補云是爲序

昔

中華民國三十一年歲在壬午清和月中澣縣知事李澤遠序

增修鷄澤縣志序

國有史邑有乘周禮太史掌建邦之六典八法八則小史掌邦國之志及賜諡讀誅內掌策命制錄外史掌四方之志遠書名於四方職方氏辨都鄙人民與其財用六畜九穀之數輶軒下採納賈陳詩以故州邑有志也抑古者月終受羣吏之要歲終稽核其吏治事思夫月要日成以考其治而告於上者當必有在而學校爲人心風俗之本不臧厥臧民罔攸勸田賦爲受藏受用之原上中下錯必詳經涂吟洫必辨與夫砥里以出任力以夫上賢以崇德恤孤獨以逮不足者胥於吏乎是責也則欲綜其要而葺爲成書俾後之覽者不啻履其山川土田聆其婦嘆童謠而洞如觀火類非矜書謠誄左僻以空言爲記載者之所能爲役也錦林捧檄蒞茲土者十年顧職不稱祿覆餗曠官迂拙非人所效兼俗吏風塵符移修纂而易敢珥筆而爲一邑之志矧前令毘陵王君已勒成集曷爲勸說而雷同耶第於簿書稍暇取前志而繙閱之詳略去取間不無與私心相刺謬者而十餘年中天道迭竭人事互更粟租丁調金饑木蘊一切農功水利戶口錢糧關津溝洫城隍學宮凡所謂源委顛末廢興沿革皆下吏所蚤作夜思躬親而詳悉者爰次其前後增以入之併於舊志汰其冗詳其略校讐而付之梓義取諸徵所以傳信言從其實不致滋疑 聖德如天大臣器使奔走使員幸免

鷄澤縣志

序

四

罪戾猥於塵勞汗遂中猶有事於丹鉛自笑書生之積習未盡除也倉猝開雕一仍其荒蕪鄙倍而茫無所收拾今 天子方大一統之書小臣不惟不敢以是箋箋者爲對揚 休命卽邑之有乘儼操觚以自附於作者之後亦深愧不文矣

乾隆三十一年丙戌春仲知鷄澤縣事蕭山王錦林序

續修鷄澤縣志序

我 國家統一區宇文教覃敷 聖聖相承重熙累洽休養生息百有餘年幅幘之廣黎庶之蕃極古今未有之盛 特修大一統志頒布中外各直省通志亦漸次增修凡以昭一道同風之治垂成規於億萬斯年也若夫守土之吏職在親民其於風土人情之所關典章文物之所係必燭照數計於胸中而後因地制宜撫字催科無嫌政拙則郡邑志乘詎可闕焉不修耶 變以丙寅春捧檄粵東初授博羅旋調南建羅浮五指名勝甲於嶺南思欲纂輯邑志以成紀載顧因任事日淺不果庚午入都蒙恩發直補用來蒞茲上彈丸小邑雖乏山川諸勝而稱名爲最古自維謏劣旣不克以經術飾吏治抑日徵逐於馬汗車塗荒蕪彌甚又何敢強作解事編定一邑之外史乎幸其地僻事簡拮据三年僅免咎戾退食之暇繙閱舊志頗覺叙次失當間多魯魚且癸丑迄今八十餘年風俗之轉移人物之殷阜有蒸蒸日上者不亟爲校讐恐愈久而漫滅莫考矧自乙丑歲烏程吳公續修郡志而邯山曲梁皆踵成邑乘覽其體制卷帙一部亦未免見獵心喜也適學博過亭尤君秉鐸最久諸悉故事因與晨夕考訂廣爲蒐羅參之舊志析爲二十卷自癸酉季秋開局脫藁過半尋有代辦廣平之役乃囑堂弟燿續成其事暨甲戌孟夏告竣七閱月而告厥成從簿書鞅掌中倉猝釐訂常恐

鷄澤縣志

序

五

擇焉不精語焉不詳爲方家所笑惟是旁諏博採悉心鉛槧未嘗稍涉附會鋪張俾藁爾數十里內沿革廢興之故民情土俗之宜與夫百年來仕蹟人材文風盛衰之異皆瞭若指掌由一邑之小徵天下之大同而集郡縣所上稟集以成全志我 朝治法之修明民物之繁盛駕歷代而上之者固展卷犁然而小臣筮仕十年樸誠自勵有志古之循吏而未逮者亦將於此志乎表之如謂藉是以奏績 朝廷克盡職守也則奚敢

嘗

乾隆十九年賜進士出身文林郎直隸廣平府鷄澤縣知縣加三級武進王光燮序

鷄澤縣志序

古今有真循良而後有真經濟而後有真文章今之有司釋褐從政其有愛民之心利民之事足以楷模一世儀型後人者亦在在而有次則鞅掌馳驅案牘叢脞日不暇給又何能事丹鉛擗管含毫評定一邑之風物興感一邑之勸懲耶必其敷政優優絃歌之雅化已久而後能爲之裕如予以是驗之生平四十餘年不差累黍歲在庚午毘陵王公來令鷄澤予忝任司鐸日親教益見其居心之仁厚處事之肫誠聽斷之平允雖漢代循良莫之或過可謂予以視民而民直以父母戴之矣越三載政通人和教養克盡因思文章關乎政治非徒風雲月露示駢麗而已鷄爲春秋時會盟之地風上人材代有可紀邑志自姜侯修輯後垂八十年不亟爲續之恐愈散佚而莫可考又念邑本貧瘠乏副剛資爰捐俸廉手自成之卷分二十事較前爲詳文視昔爲潔脫稿後示予校對予閱數過不禁撫卷喟然曰所謂真文章者其在斯乎夫事不關乎忠孝節義閱之者不能生其效法之心文無當於勸善懲惡覽之者不足動其警戒之念然有其事其文而或摭摭之不精品藻之未愜猶非文之至者也公以忠厚悱惻之心爲中正和平之政故其所爲文亦自性靈中流出繪飾不事去取合宜其俗之善者嘉之而不善者益勵焉其人之善者旌之而不善者胥化焉非惟八十年後應續者

鷄澤縣志

序

六

續之卽八十年前應補者亦廣搜而增入之其微顯闡幽興滅繼絕之事不一而足而毫無客心於其間謂非文章與經濟相爲表裏者乎至其文之似班似馬爲韓爲歐姑不具論總謂之真而已矣予何幸而與於斯役殆所謂附驥尾而名益彰云是爲序

乾隆甲戌清和上浣之吉 召試孝廉方正 恩賜六品頂帶乙卯科選拔士修職郎直隸廣平府鷄澤縣儒學教諭 卓異推陞山東萊州府卽墨縣知縣加一級記功二次大興尤淑孝撰

重修鷄澤縣志序

鷄澤古會盟地也數傳而爲廣武下邑其有志也久矣 國朝丁亥歲踵事增修者吳公也其間政事得失風俗美惡與夫人材之興衰業已瞭若指掌似無容後來之釐訂者似其中字句間有魯魚又不得不如琴瑟之更張也不佞前任數載值水旱頻仍雖天心之示警亦人事之不違此日夜圖維有志而未逮也壬子秋晉州宰輔衛以修志上請因奉 俞命布告中外臣工重修郡國州邑志爲 聖天子大一統之書余因思一郡之志猶一國之有史天下之有輿圖也鷄土爲古會盟地是烏可以無志遂於癸丑夏初招集耆老取吳公舊志詳爲披閱見其堂皇俟館有志也山川土田志分其疆域衛民保甲志施諸鄉農他如剎宇村落恍見平原錯繡焉然政事勤於治理宦蹟足傳於後風俗不至於敝人材足以維衰者歷歷載之固傳信不傳疑矣余又何敢舍其舊而新是圖哉雖然丁亥迄今計二十餘載從政之吏不無循良後學之士代有傳人政事有益進於善者風俗有漸近於古者射策之材彬彬蔚起者若而人嶽嶽懷芳者幾何事志之自茲而新也敢云謙讓未遑歟余與張君暨紳衿耆老其相叅訂復續志之凡紀一事必曰對揚 天子之休命非余邑令之臆見亦非紳衿耆老之私好也庶幾由一郡之志以成一國史書由一國史書以成天下輿圖編成達

鷄澤縣志

序

七

於 上憲貢諸 宸庭彙爲一統之書允成盛事哉

康熙十二年癸丑孟夏知鷄澤縣事姜炤序

鷄澤縣志序

萊陽姜公令我鷄越五稔闔審知鷄土山川風物又以庠博士張子玉和舊沅江令康子紫石舊廣陵令焦子仲芬選士李子白友茂才王子濬源暨僕囊厥事公曰慎哉勿濫懼眞質淆勿靡懼博而寡當勿徇勿刻懼私僉曰俞爰括舊乘採新聞上下古今調繁簡之宜惟公裁審方辨上探星分列形勢首志地理城郭宮室以設險以容民畜衆以敷政令次建置國之大事曰祀民之大命曰賦次典禮版籍疇左右有民疇作多士次秩官赫赫厥功民攸賴去後見思次宦蹟實興於鄉升於朝次選舉鍾天地之秀賢豪挺出表表乎用光我邦家次人物君子以立言垂不朽遇災修德次藝文以事紀終編成卷凡十犁然克光大典公惠茲鷄土久賢能節烈士田廬舍生齒貨財皆公賜嗷嗷鳴中澤公衣食我風澆薄如頽波無極公挽我士靡所式程公禮樂詩書穀我儲物材利民用公節愛我維茲役克以政事發皇於文字語事美哉兩無憾僕沐公雅化幸從諸子佐斯典仰贊 朝廷大一統之書敢不以芻蕘揚厥休故叙

康熙十二年癸丑荷月上浣邑人齊祖望撰

續修鷄澤縣志序

余以丙戌之夏蒞茲土凡疆域之廣狹風俗之淳澆戶口賦役之盈縮煩簡茫然無以聞也翻舊志讀之乃歷歷粲諸掌雖然時移世異人異態政異蹟因革損益異宜按圖索駿猶之膠柱鼓瑟也庖刃雖新常恐不得肯綮以爲全牛羞三閱月承臺命續修續志余得借是以請教於邑之諸君子諸君子咸以不能謝兵戈煨燼之餘老成凋謝故實罔聞下里巴人中求一操觚家不得安聞其他余殊不謂然鷄邑人物首平原客毛先生按劍數語氣吞雲夢使碌碌十九人首服千古壯之當是時以楚之強十步之內豈真不得恃衆祇爲楚非爲趙語中肯綮遂能使之心折敵血定從爲快鷄邑利病所關不乏肯綮豈必討邱索襲班馬始足潤色毫端以誌不朽稱操觚家能事哉其勿吝肯綮余將借是以操刀焉况春葩秋卉各以時榮鼎運維新豈無貞人義士應運而起駕毛先生而上之者得一人焉足以輝映簡編昭示來茲矣諸君子唯唯於是乎竣厥事是爲序

順治四年丁亥知鷄澤縣事遼東吳應文序

凡例

- 一 鷄澤舊志創於前明貢生康守愚邑令曹孔榮而吳應文志曹令舊序不載殘蝕已久茲仍吳姜兩志并載前令王光燮學博尤淑孝舊序於後
- 一 門類俱照吳郡伯府志條分事蹟亦準之但郡志從簡邑志從詳不無小有異同
- 一 卷帙俱照前志其中有遺漏訛舛者如職官中遺失邑令毛鈞人物中錯列趙潤之子趙石功於前之類今悉考訂而增補之
- 一 八景舊有繪圖而無分說致使觀者瞢然不知某景在於某地今悉考其城鄉里數詳明縷晰庶披圖閱說者瞭如指掌
- 一 鷄爲澤國水利最要前志簡略茲特重加考訂源流詳其利弊庶蒞是邑者可知濬導所由
- 一 境內舊傳有竇建德城劉黑闥壘考兩人皆據洛州或經此地而事蹟已詳載永年志不復攔入
- 一 烈女照郡志另爲一門其有癸丑後增入者俱本郡志或年分已滿無力請旌及不在旌典而苦志堪嘉者亦確訪採入數人
- 一 姜志人物中有殉難者混人名賢等類今照吳志改正至所載杜爛然事以其人不當在仙釋列

鷄澤縣志

凡例

爲改入雜事

- 一 雜事增入數條均係故老傳誦事屬罕聞非同幻妄以飾觀美
- 一 藝文最繁嚴加採擇不無割愛取其有關風土者錄之
- 一 殷氏父子學問淵博文行爲一邑首出凡所著述皆發於忠孝至性故藝文所載特詳
- 一 舊志自清乾隆三十一年壬令錦林重修迄至民國三十一年壬午計中間兩朝相距百有餘年未經續纂獻既無徵文亦失考亟宜搜羅採輯故補增多門以備參攷而廣見聞
- 一 舊志未曾將前後纂修人姓氏及其年代列在編首殊嫌次序紊亂故今補入以清眉目而易瞭如
- 一 舊志殘蝕已久篇頁斷爛闕漏甚多故參同列志陸續修纂以成完帙

舊志纂修人姓氏

初刻明萬曆三年丙子纂

知縣遼東曹孔榮

邑人康守愚

二刻清順治四年丁亥纂

知縣遼東吳應文

三刻清康熙十二年癸丑纂

知縣萊陽姜 炤

邑人齊祖望

四刻清乾隆十九年甲戌纂

知縣武進王光燮

大興尤淑孝

五刻清乾隆三十一年丙戌纂

鷄澤縣志

姓氏

知縣蕭山王錦林

六刻民國三十一年壬午纂

鷄澤縣知事李澤遠

鷄澤縣公署秘書許耀東


鷄澤縣舉人劉國昌



周 贊 長 省 吳 省 北 河



河北省南道薛道尹興甫



冀南道雞澤縣知事李澤遠

姓名 李澤遠

學歷 奉天省立師範大學校畢業北京高等警官學校

校畢業東北陸軍講武堂畢業

經歷 曾充東北陸軍第七師司令部上尉參謀察哈

爾騎兵一旅二團中校團附察哈爾都統署軍

警督察處上校處長奉天省北鎮縣縣長河北

省大城縣警察所所長現充雞澤縣知事等職